



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Vni Plvra Ecclesiastica Beneficia non committenda, nec vnum inter plures diuidendum, & de in beneficio sibi assignato non residentibus.

urn:nbn:de:hbz:466:1-15588

ANNO
 CHRISTI
 1179.

vigiles existere, dignitati vestrae mandamus, quod si contigerit eundem episcopum ante solutionem debitorum, qua pro utilitate & necessitate ecclesiae sibi commissae contraxerit, ex hac luce migrare, de rebus qui spectant ad mensam eius, donec alius loco eius substituatur, eadem debita soluere studeatis. Quo substituto, episcopum ad eorumdem debitorum solutionem omnino adducetis, & sicut filius debita patris, ita praelatus sui praedecessoris pro necessitate ecclesiae contracta tenetur persolvere.

VNI PLVRA BENEFICIA PARS
XXX.

ECCLESIASTICA NON COMMITTENDA,
 nec vnum inter plures diuidendum: & de in beneficio
 sibi assignato non residentibus.

CAP. I.

Alexander III. Eboracensi archiepiscopo.

RELATIVM est auribus nostris, quod Nicolaus archidiaconus de Bedis, canonicus * Beuianensis ecclesiae, ita integre & plenarie canonicam iam dictae ecclesiae requirit praebendam, sicut & illi qui die noctuque satagunt eidem ecclesiae deseruire. Super hoc etiam literas nostras se habere proponit. Quia vero hoc indignum & absurdum est, nisi de consuetudine praescriptae ecclesiae, hoc possit inquirere: fraternitati tuae, &c. quatenus eundem archidiaconum diligenter commoneas, quod occasione literarum nostrarum communia ecclesiae praelibatae nulla ratione contra consuetudinem & institutionem ipsius ecclesiae requirere audeat, nisi eidem ecclesiae in propria persona assidue vel per medietatem vnus anni voluerit deseruire.

CAP. II. *Idem Londoniensi episcopo.*

Cum teneamur ex debito suscepti regiminis prouisioni clericorum intendere tibi & aliis ecclesiasticis praelatis, pro eis scripta nostra dirigimus, & interdum etiam super illorum prouisione, qui aliquod beneficium sufficiens habere noscuntur, dum etiam aliquando ignoramus eos habere aliquod beneficium, pro quibus tibi & aliis ecclesiarum praelatis scribimus, si preces & mandatum nostrum

Concil. Tom. 27.

Oooo ij

recepisti pro aliquo, vel aliquando recipies, qui aliud beneficium habet, de quo valet commode sustentari, nisi forte in literis ipsis de alio beneficio quod habet, mentio habeatur: aut si nunc non potes ei sine scandalo providere, æquanimiter sustinebimus, si pro eo preces & mandatum nostrum non duxeris exequendum.

CAP. III. *Idem.*

Deferente I. Nob. presbytero, latore præsentium, accepimus, quod cum duas ecclesias haberet, archidiaconus tuus ipsum altera illarum spoliavit, & eam cuidam presbytero N. nomine assignavit. Prædictus autem I. sentiens se in hac parte grauari, ad venerabilem fratrem nostrum *Treuerensem archiepiscopum appellavit. Cumque idem I. de mandato eiusdem archiepiscopi in præscriptam ecclesiam fuisset restitutus, memoratus G. ad audientiam nostram appellavit. Postea vero præditus archiepiscopus eundem Leo, quod ad præsentiam suam vocatus, ut alteram de prædictis ecclesiis prænominato G. concederet, venire contempsit, vinculo excommunicationis adstrinxit. Nos autem a sententia qua tenebatur, facientes eum absolui, eundem duximus tibi remittendum. Quo circa mandamus, quatenus partibus ante præsentiam tuam conuocatis, præscripto I. vna de præscriptis ecclesiis, quam voluerit, cum pertinentiis suis relicta, alteram præfato G. si ecclesiam non habet, non differas assignare. Si vero aliam habet ecclesiam, alteri personæ idoneæ, beneficio ecclesiastico carenti, incunctanter assignes.

CAP. IV. *Idem in Concilio Turonensi.*

Maioribus in ecclesia beneficiis in sua integritate manentibus, indecorum nimis videtur, ut minorum clericorum præbendæ patiantur sectionem. Idcirco ut sicut in magnis, ita quoque in minimis membris suis ecclesia firmam habeat vnitatem, diuisionem præbendarum, ut dignitatum permutationem, fieri prohibemus.

CAP. V. *Idem Norwicensi episcopo.*

17. Quest. 3.
Diaconi.

AD audientiam nostram peruenit, quod H. presbyter monachos de Ramefeia, & clericum suum T. petendo

ANNO
CHRISTI
1179.

vicariam ecclesie de Buruuelle, a qua 29. annis retrocessit, in diuersis postea ecclesiis personatum adeptus, multipliciter vexare ac fatigare presumat. Quia igitur non est canonicum, ut qui curam animarum in diuersis habet ecclesiis, fiat vicarius in alienis, discretioni tuæ, &c. quatenus rei veritate diligenter inquisita, si ita esse noueris, predictum presbyterum a petitione predictæ vicariæ desistere, appellatione & occasione remota, districtius compellatis: non obstantibus literis, si quas tacita veritate per nuntium aliquem a nobis impetrauit: extirpari enim debent, quæ de auaritiæ radice procedunt, & Canonum sunt contraria sanctioni.

CAP. VI. *Idem Eboracensi archiepiscopo.*

Fraternitati tuæ duximus respondendum, ut si clerici qui in ecclesiis tuæ iurisdictionis beneficia sunt adepti, ad aliam diocesim absque tua conscientia & assensu morandi causâ transferint, beneficii quæ a te habuerint, liceat tibi eos spoliare, nisi forte disciplinis scholasticis inuigilauerint, aut causam rationabilem tibi ostenderint, quare reuerti non debeant. Præterea clericos alterius diocesis absque literis commendatitiis episcopi sui, nisi pro eis preces aut mandata sedis apostolicæ receperis, non teneris nec etiam debes recipere.

*f. Lincolniensis

CAP. VII. *Idem G.* Nincolnensi electo.*

De multa liberalitate credimus prouenisse, quod dilectus filius noster S. archidiaconus de Norhantuna, præbendam, quam habebat in ecclesia tibi commissâ, libere tibi concessit, ut eam dilecto filio G. nepoti vestro conferres. *Et infra:* Quoniam igitur nulla ratione sustinere possumus, ut memoratus archidiaconus dispendium patiatur, unde gratiam tuam & nostram meruit obtinere, ubi ius præbendæ suæ cesserit G. ut vestram possit perficere voluntatem: fraternitati tuæ, &c. *ut supra:* Cum rationi & ecclesiasticæ institutioni contrarium sit, ut archidiaconus præbenda careat in ecclesia, cui noscitur in archidiaconatus officio deseruire, non honestum sit tibi, promissionem tuam tam honestam reuocare.

Oooo iij

CAP. VIII. *Idem Burdegalensi archiepiscopo.*Pars cap. supra de spon.
Confuluit.

Præterea de G. archidiacono, qui cum in tua & Tolofana ecclesia archidiaconus fit constitutus, & in vtraque professus regulariter, collectis illis quæ in archidiaconatu tuo potest colligere, præter conscientiam tuam & licentiam, Tolosam regreditur, & ibi per annum vel amplius moratur: prouidentia tuæ significamus, vt eundem archidiaconum, si ita res se habet, altero quem maluerit, archidiaconatu, occasione & appellatione cessante, facias esse contentum.

CAP. IX.

Idem Salernitano archiepiscopo. Pars cap. supra de clericis matrimonio copulatis; Clericos.

Mandamus, vt si qui clerici ecclesiarum tuarum, fratribus hospitalis cum licentia sui prælati sponte ac gratis per annum vel triennium seruire decernunt, nequaquam impediatur: & interim beneficia sua ecclesiastica vel redditus, si quos habent, non amittant.

PARS
XXXI.

DE EXCOMMVNICATIS.

CAP. I.

Idem Exoniensi episcopo.

Ex parte tua nobis est constanti assertionem propositum, quod quidam interdum pro certis causis excommunicati, sedem apostolicam visitant, & reticentes causas pro quibus sunt vinculo excommunicationis adstricti, auditis confessionibus suis, absolutionis beneficium ^{*meruisse.} meruisse. Vnde quia nos consulere voluisti, vtum illa absolutio teneat, si occultatis excessibus, pro quibus excommunicati fuerunt, absolutionis meruerunt ^{*priuilegium.} priuilegium, siue excommunicationis aliam causam prætendentes; consultationi tuæ taliter respondemus, quod si ita constiterit, eos cogere debes censura ecclesiastica, cum literis tuis rei veritatem continentibus, ad sedem apostolicam redire: si vero id tibi non constiterit, & eos suspectos habueris, quod non fuerint veritatem confessi, ipsos compellere debes ex-